

12. oktober

UKA2018/25

Uunga siunnersuut: Sermip erngullu niuernikkut iluaqutigineqarnissaat pillugu Inatsisartut inatsisaat nr. xx, xx. xxx 2018-imeersoq.

(Inuusutissarsiornermut Nukissiuuteqarnermullu Naalakkersuisoq)

Siusinnerusukkut annertuunik eqqarsaatit saqqummertarsimapput ingerlanneqartarsimallutillu: Nilaat sermersuatsinneersut tuniniarneqartartut, Imigassat nunatta sermersuanit tunngaveqarluni (Sermeq Vodka) sanaat assigisaallu.

Inatsit 2001-miilli maannamut atuunnerani misilittakkat amerlasuunngorsimapput, Taamaattumillu ilassilluarparput ilisimalikkat tunngavigalugit ullutsinnut naleqqunnerusumik inatsisiliortoqarnissaa.

Ukioq 2018–imi misissueqqaarnissamut tunniussinerit arfiniliupput paaasinnaanermillu akuersissutit tallimaallutik.

Inatsimmi nutaami siunertarinqartoq, tassalu suliffinnik amerlanerusunik pilersitsisoqarnissaa aammalu nunatta aningaasanik nutaanik isertitsineranik kinguneqarnissaa Siumumiit isumaqatigaarput isumallarfialugulu.

Siumumiit isumaqarpugut suliffeqarfii nutaat aallartilluarnissaannut tunngavissanik pitsasunik ujartuiuassasugut. Taamaattumik Naalakkersuisunut kajumissaarutigissavarput suliat pimoorullugit sukkanerusumillu ingerlanneqarnissaat eqqumaffigeqqullugu. Tusaamavarput allaat nunatsinniit Europa aqqusaarlugu immap naqqatigut roojoreersualiinikkut tuniniaasinnaaneq.

Nunarsuatsinni imeq minguittoq pisariaqartuaannarpoq. Minguittumillu imissaaleqinerup kinguneraa nunat imermik amigaateqartut arlallit namminneq imermik mingulimmik pillit (aamma immamik) ilisimatuussuseq aallaavigalugu salivinnik pilersitsiortormata.

Kangerlussuup eqqaani sermersuaq misissortoqartuaannarpoq. Sermersuarlu tikillugu aqqusineqarluni. Sisimiuniillu Kangerlussuarmut aqqusineqalerpat sermersuarumiit umiarsualivimmut ukioq kaajallallugu assartuinerit ingerlanneqarsinnaalissapput.

Missuinerit kingunerisa ilagaat nunarsuatta oqaluttuarisaanerani ukiut tamarmik Sermersuarmit takuneqarsinnaammata. Tassuuna takuneqarsinnaavoq nunarsuatsinni pisimasut, soorlu upperisarsiornerup iluani pisut: Jesusip, muhamed-p, Buhda allarpassuillu inuuneranni imeq taakku imersimasaata nalaaneersoq imissallugu. Taakkununga upperluartuulluni imeq sermerluunniit qanoq mamaq.

Amerlasuutigullu nunat taakkuusarput uagut nuerfissagigaluagut. Nunat aamma taakkuunerusarpoq aningaasaateqarluartut. Imiutitta sermiutittalu pilerinarnerani iluaqutigisinaaneranilu suliaat sukkanerusumik piviusunngortittariaqarpagut.

Taamatut oqaaseqarluta suliaq pineqartoq ataatsimiititaliamut susassaartumut ingerlatinneqarnissaa innersuussutigaarput.

Hermann Berthelsen, Siumut